



agenzia regionale
per il diritto allo studio
Friuli Venezia Giulia



A.A. 2023/2024

Bant unic pe assegnazion dai beneficis regjonâi:

- Borse di studi
- Lozaments
- Contribûts pal lozament – sedis di Puart, Bolzan, Conean e Verone
- Contribûts pe mobilitât internazionâl

Il proget al è finanziât, intal ambit dal PNRR, de Union Europeane, iniziative Next Generation EU, invistiment 1.7 “Borsis di studi pal acès ae universitât” de Mission 4 Componente 1

CALENDARI DES SCJADINCIS

Par domandâ i benefis si à di compilâ la domande online inte aree dai servizis dal sít www.ardis.fvg.it e mandâle **dentri des 13.00** (ore estive taliane/GMT+2/UTC+2/CEST) de zornade di scjadince segnade inte tablele, daûr des modalitâts dal art. 6.

I tiermins di presentazion de domande online a son per , duncje la compilazion in date seguitive e compuarte **la esclusion de domande**.

Il sisteme eletronic dai servizis online de ARDiS al certifiche la date e la ore precise de spedizion de domande.

Benefici	Compilazion domande online	Publicazion graduatorie provisorie (date indicative)
Agns seguitifs	il prin di Avost dal 2023	ai 9 di Avost dal 2023
Lozaments	Matriculis	ai 18 di Avost dal 2023
	Students cun dome il recuisît di iscrizion dome sede di Glemonè	ai 8 di Setembar dal 2023
		ai 26 di Setembar dal 2023
Borse di studi		ai 25 di Avost dal 2023
		ai 28 di Setembar dal 2023
Contribûts pai lozaments (sedis di Puart, Bolzan, Conean e Verone)	ai 25 di Avost dal 2023	ai 15 di Fevrâr dal 2024
Contribûts pe mobilitât internazionâl	ai 8 di Avrîl dal 2024	ai 14 di Mai dal 2024
Comunicazion dai dâts dal contrat a paiament	ai 6 di Otubar dal 2023	-
Comunicazion tardive dai dâts dal contrat a paient par jessi considerâts fur sede te parificazion dai conts dal Jugn dal 2024	ai 30 di Novembar 2023	-
Domande di riduzion des tassis universitariis – sede di Udin	ai 5 di Otubar dal 2023	

Beneficis a concors (art. 1)

La ARDiS e met a concors chescj beneficis:

- Borsis di studi;
- Lozaments;
- Contribûts pai lozaments - sedis di Puart, Bolzan, Conean e Verone;
- Contribûts pe mobilitât internazionâl.

Destinataris dai beneficis (art. 2)

A son destinataris dai beneficis:

- i students de Universitât dai Studis di Triest e de Universitât dal Friûl iscrits pal a.a. 2022/2023 a cors di:
 - lauree trienâl,
 - lauree magjistrâl,
 - lauree magjistrâl a cicli unic,
 - specializazion, fûr che chei de aree mediche ativâts su la fonde de normative in vore in materie,
 - dotorât di ricerche, che no gjoldin de borse di studi su la fonde dal DM dai 30 di Avrîl dal 1999, n. 224;
- i students dai Conservatoris di Musiche “G. Tartini” di Triest e “J. Tomadini” di Udin iscrits pal a.a. 2023/2024 a:
 - cors dal Trieni superiôr di I nivel,
 - cors dal Bieni specialistic di II nivel;
- i students iscrits pal a.a. 2023/2024 al diplome academic di prin nivel in “Graphic Design pe imprese”, “Piture” e “Architeture di internis e design” de Academie di Bielis Arts “G.B. Tiepolo” di Udin;
- i students che a son daûr a laureâsi iscrits al ultin an di cors regolâr intal a.a. 2023/2024 che a otegnin il titul di studi dentri des sessions dal stes an academic, dopo dai 25 di Avost dal 2023;

No puedin accedi ai beneficis metûts in concors i students iscrits a cors singui, a percors par accedi ai concors pal insegnament, a cors di perfezionament, a cors di specializazion pe attivitàt di supuart didatic ai students cun disabilitâts e a masters.

Durade di amissibilitât ai beneficis (art. 3)

I beneficis metûts a concors a vegnин concedûts pal **otigniment pe prime volte dal titul par ognidun dai nivei di lauree**.

La anzianitât universitarie e ven calcolade tacant dal an di prime imatricolazion al sisteme universitari cence tignî cont di cualsisedi passaç di cors, fûr che pai students cun percentuâl di invaliditât dal 66% insù, che par lôr al è pussibil rinunziâ ai studis al massim par trê voltis.

La anzianitât universitarie e ven anulade par une sole volte tal câs di:

- rinunzie irevocabile ai studis fate tal prin an, cence il ricognosiment di exams;
- iscrizion a cors cun acès programât dopo di un passaç di cors, di rinunzie o di un trasferiment di un altri ateneu fat ae fin dal prin an di cors.

Pal cont de anzianitât universitarie si sumin i agns di iscrizion ai masters se al è stât domandât il ricognosiment di credits.

Recuisîts pe amission ai beneficis (art. 4)

1. Recuisît di iscrizion

La iscrizion aes Universitâts, Conservatoris e Academie e à di jessi fate **dentri dai tiermins** previodûts des singulis Istituzions.

Si pues presentâ domande anje se no si è ancjemò iscrits (art. 6.1).

Pai students che a domandin i beneficis pal semestri seguitif (laureants), il recuisît di iscrizion al è sodisfat se a son stâts iscrits regolarmentri al ultin an di cors intal a.a. 2022/2023 e se a otegnin il titul dentri de session straordenarie dal stes an academic, o se si notin intal a.a. 2023/2024 al prin an fûr di cors, dentri dai tiermins previodûts di ogni istituzion.

I laureants no puedin otignî la borse di studi se:

- a otegnin il titul prin dai **25 di Avost dal 2023**;
- a otegnin il titul di lauree intune session dal a.a. 2022/2023 e a van indevant cui studis pal a.a. 2023/2024 intun Ateneu, intun Conservatori o intune Istituzion fûr de region Friûl-Vignesie Julie (gjavant i Masters).

2. Recuisît di merit

Il merit al è calcolât su la base dai credits formatîfs universitaris (CFU) registrâts in maniere regolâr, o ecuivalents.

No vegnin cjapâts in considerazion i credits:

- **acuisîts prime de iscrizion al propri cors di lauree.**

Intai câs di ricognosiment di credits (trasferiment di un altri Ateneu, passaç di cors di lauree o scurtadure de cariere), si ten cont dai agns di iscrizion universitarie intal calcul de anzianitât;

- che a derivin di ats di cariere sostignûts par mendâ debits formatîfs di carieris precedentis;
- che a derivin di ats di cariere relatîfs a cors singui che par chei nol sedi stât domandât il recognissiment dai credits otignûts in chescj cors o, ancje se recognossûts, che no sedin stâts declarâts pes finalitâts dal otigniment dai recuisîts di merit;
- che a derivin di ats di cariere relatîfs a ativitâts didatichis sorenumerariis;
- che a derivin di modui di esams integrâts, che no vegnir registrâts in maniere regolâr inte cariere sul sisteme Esse3 fin al completament dal esam integrât.

Students iscrits al prin an

I students che si notin pe prime volte al prin an dai cors, tal moment de presentazion de domande online, no àn bisugne di nissune caratteristiche di merit pal inseriment inte graduatorie dai diviers benefisic in cualitât di idoni e beneficiari.

Dal a.a. 2023/2024, la borse di studi pai students iscrits al prin an dai cors di lauree o diplomis di prin nivel e di lauree magjistrâl a cicli unic e ven erogade daûr des modalitâts segnadas tal articul 22.

Students iscrits a agns dopo dal prin

I students iscrits ai agns seguitîfs, par podê concori ae assegnazion dai benefisic, a àn za di vê **il recuisít di merit** dentri dai **10 di Avost dal 2022**:

A.A. di prime imatricolazion	21/22	20/21	19/20	18/19	17/18	Semestri seguitîf
An di iscrizion tal a.a. 2022/23	2 ^t	3 ^c	4 ^t	5 ^t	6 ^t	
	Numar di credits complessîfs di vê, tacant dal an di prime imatricolazion					
Lauree trienâl Trieni superiôr di I nivel (Conservatori)	25 CFU	80 CFU	-	-	-	135 CFU
Lauree magjistrâl * Bieni specialistic di II nivel (Conservatori) *	30* CFU	-	-	-	-	80* CFU
Lauree magjistrâl a cicli unic	25 CFU	80 CFU	135 CFU	190 CFU	245 CFU	+55** CFU

* I credits segnâts pe lauree magjistrâl e pal bieni specialistic di II nivel si intindin acuisîts dai students dome intal percors magjistrâl o specialistic.

** Di sumâ al ultin an di cors.

Atenzion: tal câs di rinunziis/trasferiments/passaçs di cors cun recognissiment di credits, la anzianitat universitarie e incît sul recuisít di merit.

Pai cors di lauree che la lôr organizazion e previodi anualitâts cuntun numar di credits di podê otignî plui bas di 60, come che al è stât comunicât dai ateneus di Triest e di Udin, lis carateristichis di merit standard a son ridefinidis in misure proporzionali ai credits di podê in efets otignî, indicâts in maniere oportune inte table in zonte a chest bant. (zonte 3)

I students dai agns dopo a puedin doprâ par rivâ al merit domandât CFU BONUS, madressûts su la base dal an di cors za frecuentât.

CFU BONUS:

- **fin a 5 credits**, se doprât pe prime volte pai beneficis dal secont an academic;
- **fin a 12 credits**, se doprât pe prime volte pai beneficis dal tierç an academic;
- **fin a 15 credits**, se doprât pe prime volte pai beneficis dai agns academics seguitîfs.

La ARDIS e verificà i credits bonus efetîfs a disposizion e ju aplicarà di ufici, se a coventin, tal moment che e sarà otignude la carateristiche di merit.

I students a puedin verificâ l'ûs dal bonus lant sul lôr fassicul eletronic.

Il student al à di declarâ la eventuâl fruizion di credits bonus in altris Universitâts in carieris precedentis. I credits bonus che a sedin stâts domandâts intai agns academics prime dal a.a. 2023/2024 no vegnin contâts par otignî il recuisît minim di merit previodût di chest bant. I credits bonus no puedin jessi doprâts par rivâ al recuisît di merit dal prin an (sedi di lauree trienâl che di lauree magjistrâl).

3. Recuisît di redit e di patrimoni

Lis cundizions economichis dai students a son individuadis su la fonde dal Indicadôr de Situazion Economiche Ecuivalente (ISEE) **pes prestazions agjevoladis pal dirit al studi universitari**, in merit ai redits dal 2021 e ae situazion patrimoniâl dal 2021.

Intal specific:

- l'Indicadôr de Situazion Economiche Ecuivalente (ISEE) pes prestazions agjevoladis pal dirit al studi universitari nol à di passâ il limit di **€ 26.306,25**;
- l'Indicadôr de Situazion Patrimoniâl Ecuivalente (ISPE = ISP/scjale di ecuivalence) nol à di passâ il limit di **€ 57.187,53**.

Si àn di vê **chestis dôs cundizions intal stes timp.**

I students, par dimostrâ di vê il recuisît di redit e di patrimoni, se:

- a) comunitaris e no comunitaris, residents in Italie, cuntun nucli familiâr resident in Italie che al vedi prodot redits e che al vedi patrimonis in Italie e/o tal forest, a àn di lâ intun cqualsisei CAF par presentâ i documents che a coventin par otignî la atestazion ISEE pes prestazions agjevoladis pal dirit al studi universitari relative al redit dal 2021 e ae situazion patrimoniâl dal 2021, e compilâ la relative DSU (Declarazion sostitutive uniche);
- b) comunitaris e no comunitaris, residents in Italie, cuntun nucli familiâr resident tal forest e/o cun redits e patrimonis produsûts o possedûts tal forest, a àn dut câs di declarâ i eventuâi redits e patrimoni possedûts dal propri nucli familiâr in Italie, daûr des modalitâts previodudis di chest bant. Par chest, a àn di lâ intun cqualsisedi CAF par presentâ i documents che a coventin par otignî la atestazion ISEE pes prestazions agjevoladis pal dirit al studi universitari relative ai redits dal 2021 e ae situazion patrimoniâl dal 2021, che e atesti redits e patrimonis in Italie, e po dopo lâ li di un CAF convenzionât pe emission dal ISEE universitari parificât (Schede dâts par Indicadôr parificât universitari). La emission de documentazion e je gratuite. I oraris e lis direzions dai CAF convenzionâts a son publicâts sul sít www.ardis.fvg.it;
- c) comunitaris e no comunitaris, no residents in Italie, cuntun nucli familiâr che al è a stâ tal forest, a àn di indreçâsi dome ai CAF convenzionâts pe consegne dal ISEE universitari parificât (Schede dâts par Indicadôr parificât universitari). La emission de documentazion e je gratuite. Lis direzions dai CAF convenzionâts a son publicadis sul sít www.ardis.fvg.it;
- d) ricognossûts tant che rifugjâts politics in Italie, a àn di zontâ la certificazion furnide dal Ministeri dai Internis; i students apolits a àn di zontâ la copie autenticade de documentazion dade dal Tribunâl Civil. Par chestis categoriis di students si ten cont dome dai redits percepîts in Italie e dal patrimoni che in câs a vedin in Italie;
- e) che a vegnin dai Païs daûr a svilupâsi, su la fonde dal DM dai 8 di Avrîl dal 2022 n. 344 “Definizion de liste dai Païs une vore puars pal a.a. 2023/2024” e elencâts inte zonte 2, a àn di presentâ la valutazion de cundizion economiche, fate su la base di une certificazion de Rapresentance dal Stât talian intal Païs di divignince, che e atesti che il student nol è di une famee ricognossude di redit alt e di un nivel sociâl alt.
- Pai students che si notin tal prin an, cheste certificazion e pues jessi furnide di ents talians abilitâts ae prestazion di garanzie di cuviertidure economiche, daûr des disposizions in materie di imatricolazion dai students forescj intes universitâts talianis. In chest câs, l'ent di garanzie si impegne – tal câs di revoche - ae eventuâl restituzion de borse par cont dal student.

Il student al à di meti inte domande **online il numar di protocol INPS de atestazion ISEE pes prestazions agjevoladis pal dirit al studi universitari** a lui riferide; su la base di chest numar, ARDIS e gjave fûr in maniere automatizade de bancje dâts INPS i dâts relatiûs ae atestazion ISEE

I students specificâts tes letaris precedentis **b), c) e e)** a àn di declarâ inte domande online di vê otignût l'ISEE universitari parificât dentri dai tiermins pe compilazion de domande online par ogni benefici. I CAF convenzionâts a mandaran ae ARDiS i riscuintris informatici. I students interessâts no àn di inserî nissun

numar di protocol inte domande online.

Pe domande dai benefis di chest bant **e je valide dome la atestazion ISEE pes prestazions agjevoladis pal dirit al studi universitari riferide al student che al fâs domande. No je valide la atestazion cun ISEE ordenari, ancje se riferide al student che al fâs domande.**

I students che a àn un **ISEE corint** invezit che un ISEE pes prestazions agjevoladis pal dirit al studi universitari, a àn di segnalâlu dome ae direzion info.trieste@ardis.fvg.it e info.udine@ardis.fvg.it dentri dai tiermins previodûts pe presentazion de domande online par ogni benefici.

L'ISEE corint al à validitat di sis mês, duncje la atestazion e varà di risultâ ancjemò valide te date di presentazion de domande par ogni benefici.

Students indipendents de famee di origjin

I students a son considerâts indipendents de famee di divignince se a àn **ducj i doi** chescj recuisits:

1. residence, che e risulte de evidence anagrafiche, fûr de unitât abitative de famee di divignince, fissade di almancul doi agns de date di prime presentazion de domande di iscrizion a ogni cors di studis intun lozament che nol sedi di proprietât di un component dal nucli familiâr di origjin;
2. presince di une capacitât di redit adeguade, costituide di redits di lavôr dipendent o assimilâts declarâts al fisc di almancul doi agns par no mancul di € 9.000,00 anuâi, cun riferiment a un nucli familiâr di une persone.

In chest câs, i students a puedin presentâ un ISEE pes prestazions agjevoladis pal dirit al studi universitari considerant se stes tant che un nucli.

Pe cuantificazion dal impuart de borse di studi, par chescj students al ven ricognossût il stes tratament dai students cul status di **fûr di sede**.

Students cun disabilitâts (art. 5)

Intal bant a son previodudis condizions agjevoladis pai students cun disabilitâts, su la fonde dal art. 3, come 1, de leç dai 5 di Fevrâr dal 1992, n. 104, o cun invaliditat dal 66% insù.

Modalitâts di presentazion de domande online (art. 6)

I students che a àn i recuisits specificâts a àn di compilâ la domande online (acedint ai servizis online dal sit www.ardis.fvg.it) e mandâle **dentri des 13.00** (ore estive taliane/GMT+2/UTC+2/CEST) **de zornade**

indicade intal calendari des scjadincis. Il sisteme eletronic al certifiche la date e la ore precise de spedizion de domande.

CREDENZIÂLS PAR ACEDI AE DOMANDE ONLINE

Par compilâ la domande online sul sít ARDIS, i students a àn di identificâsi cun SPID, sisteme public di identitât digitâl (viôt www.spid.gov.it), cun CIE (cjarte di identitât eletroniche), o eIDAS dome pai students comunitaris.

I students no taliens, che a àn dome un document di identitât dât fûr des autoritâts dal lôr Païs, e che no son residents in Italie, e i students minôrs (taliens e forescj) a àn di identificâsi cun chestis modalitâts:

– **pe sede di Triest**, cun **registrazion online sul sít Esse3** pai students che si iscrivin te Universitât di Triest (lis credenziâls a son atvis dentri di 24 oris de regjistratzion, se no i students a àn di contatâ la sede ARDiS di Triest) o cun **registrazion online sul sít de ARDiS** pai students che si iscrivin al Conservatori;

– **pe sede di Udin**, cun **registrazion online sul sít de ARDiS** (se no son ancjemò imatricolâts te Universitât o se a son iscrits al Conservatori, o ae Academie) o doprant **lis credenziâls (matricule e password) furnidis de Universitât dal Friûl**, se a son za imatricolâts in chest Ateneu.

La domande online e je uniche: i students che a vuelin domandâ plui beneficis a àn di inviâ la domande dome une volte, selezionant i beneficis che ur interessin. La domande online riferide a plui beneficis e à di jessi presentade dentri de scjadince dal prin tiermin previodût pai beneficis domandâts.

La ciertece e la coretece de spedizion de domande online si à dome cuant che si ricêf il messaç di pueste eletroniche automatiche di conferme, che al ven gjenerât in maniere automatiche dal sisteme.

No saran calcoladis validis lis domandis presentadis:

- dopo dai tiermins segnâts intal calendari des scjadincis;
- cun modalitâts diviersis di chês previodudis in chest bant.

Si puedin domandâ retifichis di dâts inserîts vie messaç di pueste eletroniche ae direzion info.trieste@ardis.fvg.it o info.udine@ardis.fvg.it dentri dal tiermin di presentazion de domande online in relazion ai beneficis domandâts.

Students no comunitaris - altre documentazion

I students no comunitaris a àn anje di:

- vê za, o vê domandade la consegne o il rinnovament, dal permès di permanence;
- zontâ ae domande online, dentri dai tiermins, la certificazion furnide dal Ministeri dai Internis se a son students recognossûts tant che **rifugjâts politics** in Italie;
- zontâ ae domande online, dentri dai tiermins, la copie autenticade de documentazion dade fûr dal Tribunâl Civîl, se a son **students apolits**;
- zontâ ae domande online, dentri dai tiermins, la certificazion de Rapresentance dal Stât talian intal Paîs di divignince che e certifichi che no son di une famee recognossude di redit alt e di nivel sociâl alt, se a son **students citadins di Paîs daûr a svilupâsi** (v. liste de Zonte 2).

Students no ancjemò imatricolâts

I students no ancjemò imatricolâts a àn di presentâ la domande online, cun riserve di iscrizion, tal rispet des scjadincis previodudis dal bant.

La iscrizion e varà in ogni câs di jessi fate dentri dai tiermins previodûts des singulis Istituzions (Universitâts, Conservatoris).

Graduatoriis (art. 8)

I students a puedin verificâ il risultât des graduatoriis doprant i servizis online dal sít ARDIS, midiant de funzion "**Spotel student**".

Decjadence e esclusion dai beneficis (art. 11)

La decjadence dai beneficis e je previodude paï students:

- iscrits pe prime volte al prin an dai cors di lauree trienâl, di lauree magistrâl, di lauree magistrâl a cicli unic, dai Conservatoris e de Academie, che dentri dai 30 di Novembar dal 2024 no vedin otignût almancul 20 credits (o almancul 9 credits se students cun disabilitâts, su la fonde dal art. 5);
- iscrits pe prime volte al prin an di cors cun esams dome anuâi, che dentri dai 30 di Novembar dal 2023 no vedin otignût almancul 10 credits;
- che a risultin vê une anzianitât universitarie che e va di là dal temp di ammissibilitâ ai beneficis;
- che a vedin un titul di studi dal stes nivel o superiôr, anje se otignût tal forest;
- che si trasferissin intune altre sede universitarie o che a rinunziin ai studis pal a.a. 2023/2024 prime dal prin di Lui dal 2024;
- che a declarin o che a vedin declarât il fals intai agns passâts;
- che no si sedin iscrits al an academic di riferiment dentri dai tiermins previodûts des Universitâts, dai Conservatoris e de Academie;

- iscrits a cors di specializazion, fûr che chei de aree mediche ativâts su la fonde de normative in vore su la materie, par un temp superiôr ae durade previodude dai ordenaments didatics tacant dal an di prime iscrizion;
- iscrits a cors di dotorât di ricercje, che no beneficiin de borse di studi su la fonde dal DM dai 30 di Avrîl dal 1999, n. 224, par un temp superiôr ae durade previodude dai ordenaments didactics rispetîfs, tacant dal an di prime iscrizion;

Cun di plui, a son escludûts dai beneficis i students che no vedin sierade la pratiche online pe domande dai beneficis in dutis lis sôs modalitâts e proceduris, dentri des scjadincis previodudis.

Dome pal benefici de borse di studi, a son escludûts i students che a sedin beneficiaris di altris borsis di studi di impuart plui alt di € 1.500,00 (v. art. 23 di chest bant).

Par no lâ in decjadence, i students che si cjatin intun o plui dai câs indicâts, a àn di dâ comunicazion immediade ae ARDiS, cun rinunzie al benefici assegnât, e/o a àn di tornâ indaûr i bêçs cjapâts ancje se no dovûts, o rimborsâ il cost dai servizis gjoldûts.

ARDIS, in ogni câs, e procederà a escludi dai beneficis chei che a fasin domande che si cjatin intun o plui dai câs segnâts ca parsore, su la base des informazions che e vignarà a cognossince.

Informative sul tratament dai dâts personâi daûr dal Regolament UE 2016/679 (art. 12)

I dâts a vegnin tratâts intal rispiet de normative in materie di privacy.

BORSE DI STUDI – SCJADINCE AI 25 DI AVOST DAL 2023

I students che a vuelin domandâ la borse di studi a àn di compilâ la domande online e spedîle dentri des 13.00 (ore estive taliane/GMT+2/UTC+2/CEST) dai 25 DI Avost dal 2023.

Status dai students: in sede, pendolâr e fûr di sede (art. 15)

Students comunitaris

Pai students comunitaris il status dai students in sede, pendolârs o fûr di sede, pes finalitâts di chest concors, e je definide inte zonte 1. **Par risultâ beneficiaris de borse di studi tant che fûr di sede, i students a àn in ogni câs di rispietâ ce che al è previodût dal articul 15.3.**

Students no comunitaris

I students no comunitaris a son considerâts tant che **fûr di sede in maniere indipendente de lôr residence in Italie**. A fasin ecezion i students cuntun nucli familiâr che al sedi a stâ in Italie, o i students forescj che a costituissin in Italie un nucli familiâr autonom e diviers di chel di origjin: in chescj câs si cjape in considerazion la residence in Italie. **I students no comunitaris, a ogni mût, par jessi ricognossûts tant che students fûr di sede, a àn di lâ daûr di ce che al previôt l'articul 15.3.**

Status di fûr di sede (art. 15.3)

A son definîts “fûr di sede” i students residents intai comuns calcolâts fûr di sede inte zonte 1 e che a cjapin lozament dongje de sede universitarie (o ben intai comuns calcolâts in sede in relazion ae sede didatiche dal cors) doprant, a titul onerôs, lis struturis residenziâls di ARDIS o altris lozaments di privâts o ents par no mancul di 10 mês (contâts intal periodi cjapât dentri tra il prin di Setembar dal 2023 e i 31 di Avost dal 2024, e pes Cjasis dal Student intal periodi massim di assegnazion).

Il limit di 10 mês al è ridusût a 6 mês pai students laureants dal ultin an di cors cu la cualiche di regolâr, che a vuelin sostignî l'esam gjeneral di lauree dentri dal ultin apel previodût pal a.a. 2022/2023 se a son a stâ tes Cjasis dal Student de ARDIS.

La declarazion online pal ricognossiment dal status di fûr sede e pues jessi fate:

- te domande online, dentri dal tiermin di scjadince pai singui benefis; - inte sezion online dedicade “dâts dal contrat di locazion”, dentri dai 6 di Otubar dal 2023 aes 13.00 par risultâ beneficiaris fûr sede inte graduatorie definitive;
- inte sezion online dedicade “dâts dal contrat di locazion”, dentri dai 30 di Novembar dal 2023 aes 13.00 - comunicazion tardive - par risultâ pendolârs beneficiaris in graduatorie definitive (la prime rate de borse di studi e sarà di pendolâr) e po dopo fûr sede intal inzornament di graduatorie (la seconde rate de borse di studi e vignarà integrate cul impuart complessif previodût pai beneficiaris fûr sede).

La sezion “dâts dal contrat di locazion” si podarà compilâ in maniere indicative dal **prin di Setembar dal 2023**. No àn di presentâ la declarazion sul lozament a paientement i students assegataris di lozament tes struturis metudis a disposizion di ARDIS pal a.a. 2023/2024, che a àn cjapât possès in maniere regolâr dal lozament.

Impuarts (art. 16)

L'impuart des borsis di studi al è stât inzornât cul Decret Diretoriâl dal Ministeri de Universitât e de Ricerche n. 203 dai 23 di Fevrâr dal 2023 e culì sot si ripuartin i impuarts massims des borsis di studi:

- **€ 6.656,52** pai students **fûr di sede** e pai students **indipendents**;
- **€ 3.889,99** pai students **pendolârs**;

- € 2.682,77 pai students **in sede**.

A son previodudis cun di plui chestis casistichis:

1. Pai students più svantazâts dal pont di viste economic - definîts tant che students cun indicadôr ISEE plui bas o compagn de metât (€ 13.153,13) dal limit massim di riferiment (€ 26.306,25) - l'impart de borse di studi al è inressût dal 15%.
2. Pes studentis iscritis ai cors di studi in materiis S.T.E.M., l'impart de borse di studi al è inressût dal 20%. Chest impart no si pues cumulâ cu la inressite dal 15% previodude pai students cun nivei ISEE plui bas dal 50% dal limit massim di riferiment e, duncje, la inressite e je calcolade su la fonde dal valôr de borse che i spiete ae studente.
3. Il DM 1320/2021 al previôt che al student iscrit intal stes moment a plui cors di studi i è consintût otignî e mantignî la borse di studi, inressude dal 20%, se al è in possès e se al manten lis carateristichis di merit previodudis di chest bant par ducj i doi i cors di studi e par dut il temp che chei a durin. La inressite dal 20% no je dovude intal câs che il student al pierdi lis carateristichis pe borse di studi cun riferiment al cors di studi che a chel il student al à corelât chê inressite. Chê inressite dal 20% e sarà valutade di ARDIS in cunvigne cui ateneus.

Ai students laureants (semestri seguitif) e ai students iscrits al prin an fûr di cors e ven corispuidude la borse di studi di impurt smiezât.

Tal câs che l'ISEE pes prestazions agjevoladis pal dirit al studi universitari riferît al student al sedi plui alt dai 2/3 (o ben € 17.537,50) e fin al impurt massim dal limit ISEE pes prestazions agjevoladis pal dirit al studi universitari, l'impart de borse di studi al ven ridusût in maniere graduâl fin ae metât dal impurt massim de borse di studi.

Par ducj i students beneficiaris di borse di studi cu la cualiche di fûr di sede che a sedin ancje assegnataris dal lozament, l'impart de borse di studi al è ridusût di:

- € 1.700,00 pal ûs dal lozament par 10 mês;
- € 1.870,00 pal ûs dal lozament par 11 mês.

Pai students assegnataris dal lozament che si laurein dentri di Dicembar dal 2023, al ven detrat l'impart forfetari di **€ 600,00** pal servizi abitatif. Pai students assegnataris dal lozament che si laurein tacant di Zenâr dal 2024 e dentri di Avrîl dal 2024 al ven detrat l'impart forfetari di **€ 1.200,00** pal servizi abitatif.

La borse di studi e je francje de Impueste sui redits, tant che previodût dal articul 4 de Leç dai 13 di Avost dal 1984, n. 476 “Norme in materie di borsis di studi e dotorât di ricercje intes Universitâts”.

Risiervis di assegnazion (art. 19)

Lis risorsis disponibilis pes borsis di studi si assegagnarā lant daûr di chestis risiervis di assegnazion:

- 2% ai students cun disabilitâts cun percentuâl di invaliditât dal 66% insù;
- 6% des borsis di studi disponibilis pai students no comunitaris.

Paiaments (art. 22)

La borse di studi e ven erogade cun increditament suntun cont corint talian (IBAN IT) o suntun propri cont forest (CODIÇ IDENTIFICATÎF DAL CONT) intestât o cointestât al student, o cun cjarte prepaiaide dotade di IBAN IT intestade o cointestade al student.

I students a àn di inserî lis coordenadis bancjariis tal moment de compilazion de domande online e a podaran dopo integrâlis o cambiâlis midiant dai servizis online di ARDIS. Se si à un cont forest, si à di inserî, di là dal codiç identificatîf dal cont, ancje il codiç BIC/SWIFT, la denominazion dal istitût bancjari e ancje il Stât di chê stesse.

Students iscrits al prin an

Pai students iscrits al **PRIN AN DAI CORS DI LAUREE O DIPLOMIS DI PRIN NIVEL E DI LAUREE MAGISTRÂL A CICLI UNIC:**

- prime rate dal 20% dal impuart net de borse dentri dai 10 di Novembar dal 2023, a cundizion che la iscrizion e risultis perfezionade dentri dal tiermin fissât pe presentazion des istancis di riesam pe borse di studi;

- seconde rate di un altri 30% dal impuart net de borse di studi dentri dai 31 di Dicembar dal 2023;

- tierce rate dal restant 50% dal impuart net de borse, corispuindude tacant dal mês di Jugn, une volte otignûts almancul 20 credits, registrâts in maniere regolâr sul sisteme Esse3, o intes basis di dâts dai Conservatoris e de Academie (o ben almancul 10 credits pai cors cun esams dome anuâi) cun date di superament no dopo dai 10 di Avost dal 2024.

2) Pai students iscrits al **PRIN AN DAI CORS DI LAUREE MAGISTRÂL O DIPLOME DI SECONT NIVEL:**

- prime rate dal 50% dal impuart net de borse dentri dai 31 di Dicembar dal 2023, in funzion de amision ai cors daûr des modalitâts previodudis dai ordenaments didactics e dal ricognossiment di almancul 150 CFU (CFA);

- seconde rate dal restant 50 % dal impuart net de borse di studi, corispuindude tacant dal mês di Jugn, une volte otignûts almancul 20 credits, registrâts in maniere regolâr sul sisteme Esse3, o intes basis di

dâts dai Conservatoris e de Academie (o ben almancul 10 credits pai cors cun esams dome anuâi) cun date di superament no dopo dai 10 di Avost dal 2024.

I students che a saran rivâts al recuisît di merit, cun regjistratzion dai credits che a coventin, dopo dai 10 di Avost ma dentri dai 30 di Novembar dal 2024, a saran sometûts a controi di ufici de bande de Universitât, dai Conservatoris e de Academie pe conservazion dal impuart cjapât tant che borse di studi (borse di studi di impuart smiezât). Se no si otegnin i credits previodûts dentri dai 30 di Novembar dal 2024, e sarà la revoche de borse di studi e di chei altris beneficis in bêçs za erogâts (art. 24) e si varà di tornâ ce che al è stât gjoldût in servizis.

➤ **Students iscrits a agns dopo dal prin**

La cuote monetarie de borse di studi e je erogade, inte misure dovude, in cheste maniere:

- prime rate che e corispuint al 50% dal impuart net de borse: **ai 31 di Dicembar dal 2023**, baste che la iscrizion e sedi perfezionade dentri dal tiermin fissât pe presentazion des istancis di riesam pe borse di studi;
- seconde rate: **ai 30 di Jugn dal 2024**.

➤ **Students laureants**

Ai students dal ultin an di cors, cu la cualifiche di regolâr, che a vuelin sostignî l'esam gjenerâl di lauree dentri dal ultin apel previodût pal a.a. 2022/2023, la borse di studi e ven erogade intune uniche soluzion dentri dal Jugn dal 2024, dome dopo verificât che al è stât otignût il titul.

Pai students assegnataris dal lozament che si laurein dentri dal Dicembar dal 2023, l'impart **forfetari** pal servizi abitatîf, cuantificât in **€ 600,00**, al ven stratignût dal impuart de borse di studi.

Pai students assegnataris dal lozament che si laurein tacant dal Zenâr dal 2024 e dentri dal Avrîl dal 2024, l'impart **forfetari** pal servizi abitatîf, cuantificât in **€ 1.200,00**, al ven stratignût dal impuart de borse di studi.

Revoche (art. 24)

La borse di studi e je revocade ai students che ur sedi stât erogât il benefici in bêçs o in servizis, che si cjatin intune di chestis casistichis:

- iscrits pe prime volte al prin an dai cors di lauree trienâl, di lauree magjistrâl, di lauree magjistrâl a cicli unic, dai Conservatoris e de Academie che dentri dai 30 di Novembar dal 2024 no vedin

otignût almancul 20 credits (o almancul 9 credits se students cun disabilitâts su la fonde dal art. 5);

- iscrits pe prime volte al prin an di cors cun esams dome anuâi che dentri dai 30 di Novembar dal 2024 no vedin otignût almancul 10 credits;
- tal câs che a mancjin i recuisîts di iscrizion, merit, anzianitât universitarie, redit e patrimoni, dopo di controi di ufici o di segnalazions rivadis de Universitât o di altris Aministrations Publichis;
- che a vedin declarât il fals o presentât documents fals o che a contegnin dâts fals;
- tal câs che a vedin otignût il ricognosiment de dople iscrizion dal articul 24, pont 3, la borse di studi e la eventuâl incressite a son revocâts intal câs che il student al pierdi lis carateristichis di chest bant, cun riferiment al cors di studi che e fâs riferiment la domande de borse di studi;
- che a risultin vê une anzianitât universitarie plui grande dal periodi di ammissibilitât ai beneficis;
- che a vedin un titul di studi di nivel compagno o superiôr, ancje se otignût tal forest;
- che si trasferissin a une altre sede universitarie o che a rinunziin ai studis pal a.a. 2023/2024 prime dal prin di Lui dal 2024.

A chescj students ur è revocât ogni benefici e a vegnir recuperadis lis sumis cjapadis in maniere no dovude o il cost dal servizi di lozament che a àn vût tant che benefici in maniere improprie, cemût che al è segnât inte tablele riepilogative dal articul 16.

Ai students che si cjataran in cualchidune des posizions ripuartadis parsores, ARDIS ur comunicarà l'inviament dal procediment di revoche de borse di studi. Dentri di 10 dîs de comunicazion, i students a podaran fâ rivâ a ARDIS, ae direzion ardis@certregione.fvg.it o cun racomandade A/R di indreçâ a cheste Aministratzion, eventuâls cuintrideduzions. Passât dibant chest tiermin, ARDIS e mandarà al interessât il proviodiment di revoche, domandant la restituzion de sume cjapade, dentri di 30 dîs dal riceviment de comunicazion.

Il student al pues tal câs domandâ la restituzion rateizade dal impuart dovût, daûr des modalitâts fissadis dal articul 38 bis de LR 21/2014.

Intal câs che la restituzion no sedi fate intai tiermins, ARDIS e procêt a recuperâ i credits daûr des modalitâts definidis de normative statâl in vore in materie di riscossion des impuestis diretis, tant che previodût dal art. 50 de LR 7/2000.

LOZAMENTS:

- **Scjadince domande agns seguitîfs: AES 13.00 DAL PRIN DI AVOST DAL 2023**
- **Scjadince presentazion domandis matriculis comunitariis e no comunitariis: AES 13.00 DAL 18 DI AVOST DAL 2023**

Lozaments a concors pe sede di Triest (26.1)

I lozaments disponibii a son rideterminâts in 524, dividûts in cheste maniere:

- 472 puescj intes Cjasis dal Student di Triest (71 intal edifici E1, 181 intal edifici E3, 121 intal edifici E4 e 99 intal edifici di vie Gaspare Gozzi);
- 47 puescj inte Cjase dal Student di Gurize (Palaç De Bassa);
- 5 puescj inte Cjase dal Student di Pordenon.

ATENZION Si precise che no presentâsi la dì de assegnazion cence justificazion dentri de stesse dì, o pûr no presentâ il modul di amission posticipade dentri dai tiermins indicâts, al compuarte la rinunzie automatiche e irevocabile al benefici.

Lozaments a concors pe sede di Udin (26.2)

I lozaments disponibii a son rideterminâts in 350, dividûts in cheste maniere:

- 97 puescj inte Gnove Cjase dal Student di Udin, Pôl sientific dai Riçs;
- 89 puescj inte Cjase Burghart
- 46 puescj te Cjase dal Student di Gurize (Palaç De Bassa);
- 48 puescj te Cjase dal Student di Pordenon;
- 70 puescj te Cjase dal Student di Clemone.

Recuisît specific (art. 27)

In plui dai recuisîts di iscrizion, merit, redit e patrimoni fissâts intes normis gjenerâls, i students che a vuelin domandâ di lozâ tes Cjasis dal Student de ARDISS **a àn di jessi a stâ intun dai comuns considerâts tant che fûr di sede in relazion ae sede dal propri cors di studis**, daûr di ce che al è fissât intal articul 15 di chest bant e inte zonte 1.

GRADUATORIE (art. 30)

La graduatorie provisorie dai lozaments pai students iscrits **AI AGNS DOPO** e sarà publicade sul sít www.ardis.fvg.it in maniere indicative dentri dai **9 di Avost dal 2023**.

A vignaran prontadis, par ogni sede universitarie e in ordin decessint di ponts, chestis graduatoriis:

- pai students comunitaris iscrits ai agns dopo dal prin di dutis lis areis/pôi didactics competents, cjapâts dentri i students iscrits al Conservatori e ae Academie di Bielis Arts (pe sede di Udin);
- pai students iscrits ai cors di specializazion, gjavant chei de aree mediche dal decret legislatif n. 368/1999;
- pai students iscrits ai cors di dotorât che no beneficiin de borse di studi su la fonde dal DM dai 30 di Avrîl dal 1999, n. 224;
- pai students cun disabilitâts.

I students che a presentin domande tant che iscrits a agns dopo dal semestri seguitif, tal câs che a otegnin il titul dentri de session straordenarie dal a.a. 2022/2023 e che si notin in maniere seguite al prin an de lauree magistrâl pal a.a. 2023/2024, dentri dai tiermins fissâts de Universitât e dal Conservatori, a otignaran in ogni câs il puest di lozament dome fin al otigniment dal titul trienâl.

La graduatorie provisorie dai lozaments pai students iscrits **AL PRIN AN DI DUCJ I CORS** e sarà publicade sul sít www.ardis.fvg.it in maniere indicative dentri dai **5 di Setembar dal 2023**.

A vignaran prontadis par ogni sede universitarie, in ordin decessint di ponts, chestis graduatoriis:

- pai students comunitaris iscrits pe prime volte al prin an di cors;
- pai students no comunitaris iscrits pe prime volte al prin an di cors;
- pai students cun disabilitâts iscrits pe prime volte al prin an di cors.

AMISSIONS (art. 31)

Il calendari des amissions al previôt une serie di zornadis dulà che i students a saran convocâts de ARDiS intes Residencis là che ur è stât asseg  il puest. Il calendari al sarà publicât tal fassicul eletronic dal student.

I students beneficiaris dal lozament inte graduatorie definitive a varan di presentâsi tes Cjasis dal Student li che ur è stât assegnât il puest intes zornadis indicadis pe amission, puuant cun se cheste documentazion:

- la fotocopie di un **document di recognosment** valit che si puedi lei ben (accompagnade dal document in origjinâl);
- il student no comunitari al varà di presentâsi cul **passepuart** o **cuntun altri document di identitât recognossût**;

- une foto tessare.

Tal moment de amission, il student al firme l'at di acetazion dal lozament furnît de ARDIS.

I students assegnataris di un lozament pal a.a. 2023/2024, tal câs di assegnazion cul modul di amission posticipade, a àn di presentâsi, fûr che tai câs di fuarce maiôr, li de portinarie de Cjase dal Student di assegnazion dentri di un mês de date di amission fissade par sotscrivi l'at di acetazion dal lozament e la documentazion relative, se no a pierdaran il dirit al benefici. Lis situazions di impediment a àn di jessi comunicadis daurman aes caselis alloggi.trieste@ardis.fvg.it o alloggi.udine@ardis.fvg.it daûr de sede ARDiS di riferiment.

Il student al è assegnatari dal lozament pal a.a. 2023/2024 de date di amission fissade in chest bant fin ai 31 di Lui dal 2024 (al à di saltâ fûr dal lozament dentri des 9.00 dal prin di Avost dal 2023).

I students assegnataris di lozament a àn l'oblic di lâ daûr des normis dal Regolament unic pe fruizion dal servizi abitatîf tes cjasis dal student e di chel cun criteris e modalitâts pal ûs, temporani e occasionâl, des salis e di chei altris spazis comuns presints intes residencis: ducj i doi si puedin consultâ sul sít www.ardis.fvg.it

I students che tal moment de amission a vedin un debit cun ARDIS par retis di lozament o impuarts di tornâ, a son sospindûts dal benefici fin che no regolarizin lis pendencis administrativis cun ARDIS, fûr che tal câs che a sedin daûr a proviodi ae restituzion rateizade.

Retis pal lozament (art. 35)

Borsiscj

Se i students assegnataris dal lozament a son ancje assegnataris de borse di studi, l'impart de borse di studi al è ridusût in maniere forfetarie par une sume di

- € 1.700,00 pal servizi abitatîf usufrût par 10 mês;
- € 1.870,00 pal servizi abitatîf usufrût par 11 mês.

Ai students laureants assegnataris dal puest ur ven ridusût in maniere forfetarie l'impart de borse di studi pal servizi di abitazion come che al è segnât ca sot:

- € 600,00 se si laurein dentri dal Dicembar dal 2023;
- € 1.200,00 se si laurein tra Zenâr dal 2024 e Avrîl dal 2024.

No borsiscj

I students beneficiaris di lozament ma no di borse di studi a àn di paiâ cheste rete mensîl agjevolade:

Cjase dal student

TARIFE MENSÎL

- stanzie singule € 170,00;
- stanzie dople € 147,00.

La rete pal lozament e je mensîl e no determinade su base zornaliere.

I students che a cjapin possès dal lozament inte seconde metât dal mês a corispuindin metât impuart de rete mensîl.

I students, che pûr vint presentade domande tant che matriculis di lauree magistrâl, che di fat no si notin intal cors di lauree magistrâl pal a.a. 2023/2024 e che no son in possès ai 10 di Avost dal 2023 dal recuisît di merit tant che semestri seguitîf, a decjadın dal benefici dal lozament e a àn di corispuindi par dut il timp de lôr permanence inte Cjase dal Student la rete previodude pai students cun dome il recuisît di iscrizion (v. art. 37.3).

Revoche e decjadence dal lozament (art. 36)

Il benefici dal lozament al ven revocât ai students assegnataris intai câs previodûts dal Regolament unic pe fruizion dal servizi abitatîf tes cjasis dal student, di podê consultâ sul sít ARDIS.

Tra i câs frecuents a son:

- mancjât paient di 3 retis di lozament, anje no consecutivis;
- mancjance dai recuisîts previodûts di iscrizion, merit, anzianitât universitarie, redit e patrimoni, dopo di controfats de ARDIS o di segnalazions rivadis de Universitât o di altris Aministratzions Publichis;
- violazions su lis normis di sigurece.

La revoche dal lozament determinade de mancjance di recuisîts previodûts di chest bant e compuarte la domande di paient des retis cu la tarife previodude pai students cun dome il recuisît di iscrizion. I students dal prin an, assegnataris di lozament, che la borse di studi ur ven revocate par no vê otignût la carateristiche di merit, a àn di corispuindi pal timp di permanence inte Cjase dal Student lis retis previodudis dal articul 35 o il cost dal servizi di lozament tant che segnât intal articul 16, se assegnataris par dut l'an academic.

Ai students che si trasferissin intune altre sede universitarie o che a rinunziin ai studis pal a.a. 2023/2024 prime dal prin di Lui dal 2024, il servizi di lozament al ven calcolât cu la tarife indicade tal articul 35 pal periodi di assegnazion.

L'assegnatari al decjât dal benefici dal lozament intai câs previodûts dal articul 11 di chest bant e dal Regolament unic pe fruizion dal servizi abitatîf tes cjasis dal student.

CONTRIBÛTS PAL LOZAMENT PES SEDIS DI PUART, BOLZAN, VERONE E CONEAN – SCJADINCE: AI 25 DI AVOST DAL 2023 aes 13.00

Contribûts a concors (art. 39)

Pai students iscrits a cors di studi cun sede a Puart, Bolzan, Verone e Conean, dulà che ARDIS no giestìs in maniere direte une residence universitarie, ARDIS e eroghe un contribût anuâl di € **1.200,00**, a front di un contrat di locazion a titul onerôs regjistrât in maniere regolâr.

A vegnин metûts a concors **10 contribûts** par ogni sede di studis.

Recuisîts specifics (art. 40)

Di là di vê i recuisîts di iscrizion, merit, redit e patrimoni fissâts intes normis gjenerâls, i students che a domandin i contribûts pal lozament a scuegnin par fuarce vê lis carateristichis specifichis ca sot:

- a àn di jessi inscrits pal a.a. 2023/2024 a cors di lauree de Universitât dai Studis di Triest cun sede a Puart, o a cors di lauree de Universitât dal Friûl cun sede a Conean, Bolzan e Verone;
- a àn di jessi residents intun dai comuns calcolâts fûr di sede, in relazion ae sede dal propri cors di studis, daûr di ce che al è fissât intal articul 15.3 di chest bant e inte zonte 1; pes sedis di Bolzan e Verone, i students che a fasin domande a àn di jessi residents intun dai comuns che a son lontans almancul 50 km di chês citâts;
- a àn di usufrûî di un lozament a titul onerôs a front di un contrat di locazion, daûr di ce che al è fissât tal articul 15.3 di chest bant.

I students a àn di declarâ l'ûs efetîf dal lozament a titul onerôs par almancul 10 mês (contâts intal periodi cjapât dentri tra il **prin di Setembar dal 2023** e i **31 di Avost dal 2024**) dongje de sede universitarie (vâl a dî i comuns calcolâts di sede, in relazion ae sede dal cors), indicant online i dâts dal contrat di locazion (la durade, la scjadince, il canul e i estrems di regjistratzion dal contrat).

I students che a àn in vore un contrat cun scjadince prime di ce che al è fissât, e che a vuelin rînovâlu o stipulânt un gnûf, a son dut câs calcolâts idonis al contribût, ma a scuegnin par fuarce comunicâ ae ARDIS (inviant un messaç di pueste eletroniche ae direzion info.trieste@ardis.fvg.it o info.udine@ardis.fvg.it) i dâts dal rînovament dal contrat che al è stât fat o dal gnûf contrat stipulât che ur permetti di rivâ ae durade dai 10 mês di lozament a titul onerôs.

Il canul mensîl dovût dal student, al net des spesis pes utencis, nol pues jessi mancul di **€ 120,00**.

I students che, tal moment de compilazion de domande online no vedin declarât di vê cjapât possès di un lozament a titul onerôs, a son tignûts a declarâ online in maniere seguitive inte sezion di pueste "Dâts dal contrat di locazion", e dut câs dentri des 13.00 dai 30 di Novembar dal 2023, l'ûs dal lozament a titul onerôs par almancul 10 mês, scrivint la direzion dal lozament stes, logât dongje de sede universitarie, il canul di locazion mensîl corispuindût, la durade dal contrat, la scjadince e i estrems di regjistratzion di chel stes.

La sezion "dâts dal contrat di locazion" si podarà compilâ in maniere indicative dal prin di Setembar al 6 di Otubar dal 2023.

CONTRIBÛTS PE MOBILITÂT INTERNAZIONÂL – SCJADINCE AI 8 DI AVRÎL DAL 2024 aes 13.00

Contribûts a concors (art. 45)

I contribûts pe mobilitât internazionâl a son riservâts ai students idonis o beneficiaris di borse di studi pal a.a. 2023/2024 che a partecipin pal stes an academic a periodis di studi e di tirocini tal forest, za finanziâts e promovûts de Universitât dai Studis di Triest, de Universitât dal Friûl, dal Conservatori di Musiche “G. Tartini” di Triest, dal Conservatori di Musiche “J. Tomadini” di Udin e de Academie di Bielis Arts “G. B. Tiepolo” di Udin, sedi intal ambit di programs promovûts de Union Europeane che di programs ancje no comunitaris (convenzions bilaterâls), baste che il periodi di studi e/o di tirocini al vedi un ricognossiment academic in tiermins di credits, intal ambit dal propri cors di studis in Italie, ancje se pes finalitâts de predisposizion de prove conclusive.

Il contribût pe mobilitât internazionâl al è di € 600,00 su base mensîl pe durade dal periodi di permanence tal forest, fin a un massim di dîs mês, nol impuarte cuâl che al sedi il paîs di destinazion, e al pues jessi concedût par une sole volte par ogni cors di istruzion superiôr.

Dal impuart dal contribût di mobilitât, di € 600,00 su base mensîl, al ven gjavât il totâl de borse concedude peade ai fonts des Universitâts, dai Conservatoris e de Academie di Bielis Arts, de Union Europeane o di altri acuardi bilaterâl ancje no comunitari.

A vegnin rimborsadis lis spesis di viaç par lâ e tornâ fin al impuart di € 100,00 pai paîs europeans e fin al impuart di € 500,00 pai paîs extraeuropeans, intal câs che il rimbors relativ nol sedi za previodût de Universitât o dal Conservatori, dopo vê cjariâts i justificatîfs cu la procedure online.

Il temp di permanence tal forest al ven verificât cu lis Istituzions segnâdis parsore e par ogni mês intîr di permanence, calcolât in maniere convenzionâl in 30 dîs, al ven erogât il contribût mensîl intîr, intant che par periodis di mancul di un mês il contribût al sarà corispondent ai dîs di permanence efetive tal forest. Nol ven erogât nissun contribût pai periodis di mobilitât fats in modalitat online de Italie a titul di programs di studi o di tirocini promovûts de Universitât dai Studis di Triest, de Universitât dal Friûl, dal Conservatori di Musiche “G. Tartini” di Triest, dal Conservatori di Musiche “J. Tomadini” di Udin, de Academie di Bielis Arts “G. B. Tiepolo” di Udin.

Recuisîts specifics (art. 46)

Di là di vê i recuisîts di iscrizion, merit, redit e patrimoni fissâts intes normis gjenerâls, i students che a vuelin domandâ i contribûts pe mobilitât internazionâl a scuegnin:

- partecipâ in maniere esclusive intal a.a. 2023/2024 a periodis di studi o di tirocini tal forest promovûts

de Universitât dai Studis di Triest, de Universitât dal Friûl, dal Conservatori di Musiche "G. Tartini" di Triest, dal Conservatori di Musiche "J. Tomadini" di Udin, de Academie di Bielis Arts "G. B. Tiepolo" di Udin pe partecipazion a programs di mobilitât internazionâl, sedi intal ambit di programs promovûts de Union Europeane, che di programs ancje no comunitaris (convenzions bilaterâls);

- jessi beneficiaris de borse di studi di chest bant intal a.a. 2023/2024;
- il periodi di studi o di tirocini in ogjet al à di vê un ricognissiment academic in tiermins di credits intal ambit dal propri cors di studis in Italie.

I students a àn di declarâ inte domande online di jessi assegnataris di borse di studi di mobilitât internazionâl o di tirocini tal forest pal a.a. 2023/2024, e il periodi di permanence tal forest determinât al at de assegnazion de bande de Universitât, dal Conservatori o de Academie; a scuegnin ancje declarâ di no vê otignût pal stes cors di studi un contribût ARDIS pe mobilitât internazionâl.

Eventuâls comunicacions sul sprolungjament dal periodi di studi tal forest, se rivadis dopo dal tiermin di presentazion de domande di contribût, a saran cjapadis in considerazion dome se comunicadis dentri dal tiermin fissât pe presentazion des istancis di riesam.

Intal câs che il temp efetîf di permanence tal forest al risulti plui curt di chel declarât tal moment de compilazion de domande, dopo dai controi fats cui Uficis di Mobilitât Internazionâl des Istituzions segnадis ca parsoare, ARDIS e procêt a rideterminâ l'impart dal contribût assegna. Il student al à di tornâ ae ARDIS l'eventuâl impurt che al à cjapât in plui.

Ai students iscrits ai agns dopo dal prin, il contribût pe mobilitât internazionâl al ven erogât in dôs ratis cun chestis modalitâts:

- il 50% dal impurt dentri di 60 dîs de publicazion de graduatorie definitive, a cundizion che il periodi di mobilitât al sedi za scomençât;
- la part che e reste dal contribût, cul rimbors des spesis di viaç, ae fin efetive dal temp di permanence tal forest, dopo verifiche dal ricognissiment dai credits leâts al periodi di mobilitât.

ARDIS si riserve tal câs la pussibilitât di erogâ il contribût intune uniche soluzion.

Ai students iscrits al prin an dai cors di lauree magistrâl o dal bieni specialistic, il contribût pe mobilitât internazionâl ur ven erogât dopo vê otignût almancul 20 credits (o almancul 10 credits pai cors cun esams dome anuâi) e dopo de segnalazion ae ARDIS, cun chestis modalitâts:

- a cui che al oten i credits domandâts dentri dai 10 di Avost dal 2024 i ven erogât dut l'impart dal contribût;
- a cui che al oten i credits domandâts dopo dai 10 di Avost dal 2024, ma dut câs dentri dai 30 di Novembar dal 2024, l'impart dal contribût i ven dismiezât e al cjaparà il 50% dal impurt.

ZONTIS

Zonte 1 - Status dai students in sede, pendolâr e fûr di sede

Chestis listis a determinin il status dai students: in sede, pendolâr o fûr di sede.

Students iscrits a cors cun sede a Triest

IN SEDE:

Residents a Triest, Mugle, San Dorligo della Valle, Monrupino, Sgonico e Duìn-Nabresine

PENDOLÂRS:

Residents a Monfalcon, Staranzan, Roncjis di Monfalcon, Doberdò, Gardiscje, Segrât, Foian Redipulie, San Pieri dal Teritori, Turiac, Çarvignan, San Ganzian e, di là dai confins talians, chescj comuns: Cjaudistrie, Hrpelje-Kozina, Divača, Isule, Piran, Postumie, San Pieri dal Cjars, Sesane, Vipau e chestis localitâts: Koseze e Podgrad dal Comun di Ilirska Bistrica.

Residents in ducj i comuns calcolâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o ents.

FÛR SEDE:

Residents in ducj chei altris comuns che a lozin dongje de sede universitarie, doprant - a paient - lis struturis residenziâls publichis o altris lozaments di privâts o ents par un periodi di no mancul di 10 mês.

Students iscrits a cors cun sede a Udin

IN SEDE:

Residents a Cjampfuarmit, Martignà, Pagnà, Pasian di Prât, Pavie, Paulêt, Puçui, Pradaman, Reane dal Roiâl, Remanzâs, Tavagnà, Udin.

PENDOLÂRS:

Residents a Dael, Dartigne, Atimis, Bagnarie, Basilian, Bertiûl, Bicinins, Buie, Buri, Caprive, Cjasarse, Cjassà, Cjasteons di Strade, Çarvignan, Cjopris e Viscon, Cividât, Codroip, Colorêt di Montalban, Cormons, Cosean, Dignan, Faedis, Feagne, Flaiban, Glemon, Gonârs, Gurize, Listize, Magnan, Maian, Manzan, Merêt di Tombe, Muimans, Morteau, Murùs, Mosse, Nimis, Osôf, Palme, Porpêt, Premariâs, Rivis Darcjan, San Denêl, San Zorç di Noiâr, San Zuan dal Nadison, Sante Marie La Lungje, San Vît de Tor, San Vît di Feagne, Sedean, Talmassons, Tarcint, Torean, Tor di Zuin, Trep Grant, Tresestin, Trivignan, Visc.

Residents in ducj i comuns calcolâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancul di 10 mês.

Students iscrits a cors cun sede a Gurize

IN SEDE:

Residents a Fare, Gurize, Mosse, San Florean dal Cuei, Savogne dal Lusinç e, fûr dai confins talians, Nova Gorica.

PENDOLÂRS:

Residents a Buri, Caprive, Cormons, Doberdò, Duìn-Nabresine, Foian Redipulie, Gardisce, Manzan, Marian, Migjee, Monfalcon, Morâr, Romans dal Lusinç, Roncjis di Monfalcon, Segrât, San Ganzian, San Zuan dal Nadison, San Lurinç dal Lusinç, San Pieri dal Teritori, Staranzan, Turiac, Udin, Vilès.

Residents in ducj i comuns calcolâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no plui di 10 mês.

Students iscrits a cors cun sede a Pordenon

IN SEDE:

Residents a Daçan, Cordenons, Vile di Flum, Fontanefrede, Pasian di Pordenon, Purcie, Pordenon, Prate, Lavorêt, San Quarin, Çopule.

PENDOLÂRS:

Residents a Darbe, Davian, Brugnere, Budoie, Cjanive, Cjasarse, Cjons, Codroip, Conean, Cordovât, Godega di Sant'Urbano, Manià, Montreâl, Orsago, Polcenic, Preusdomini, Sacîl, San Zorç de Richinvelde, San Martin dal Tiliment, San Vît dal Tiliment, Secuals, Siest, Spilimberc, Susegana, Vaiont, Voleson Darzin, Vivâr.

Residents in ducj i comuns calcolâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancul di 10 mês.

Students iscrits a cors cun sede a Glemone

IN SEDE:

Residents a Dartigne, Bordan, Buie, Glemone, Magnan, Montenârs, Osôf, Trasaghis e Vençon.

PENDOLÂRS:

Residents a Damâr, Atimis, Cjassà, Cjavaç, Scluse, Colorêt di Montalban, Cosean, Dignan, Faedis, Feagne, Forgjarie, Lusevare, Mueç, Nimis, Ruvigne, Reane dal Roiâl, Resie, Resiute, Rivas Darcjan, San Denêl, San Vît di Feagne, Tarçint, Tavagnà, Tumieç, Trep Grant, Tresesin, Udin, Verzegnis.

Residents in ducj i comuns calcolâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par no mancul di 10 mês.

Students iscrits a cors cun sede a Puart

IN SEDE:

Residents a Puart, Cint, Gruâr, Tei, Pramaiôr, Danon, Fossalte, San Michêl dal Tiliment, San Stino di Livenza, Conguardie, Cjaurlis.

PENDOLÂRS:

Residents a Eraclea, Torre di Mosto, Ceggia, Salgareda, Ponte di Piave, Cessalto, Chiarano, Oderzo, Motta di Livenza, Mansuè, Ormelle, Meduna di Livenza, Preusdomini, Cjons, Siest, Cordovât, Morsan da lis Ocjis, Vildivar, Tisane, Lignan, Palaçûl, Prissinins, Rivignan Teôr.

Residents in ducj i comuns calcolâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par no mancul di 10 mês.

Students iscrits a cors cun sede a Conean

IN SEDE:

Residents a Codognè, Colle Umberto, Godega di Sant'Urbano, Mareno di Piave, Orsago, San Fior, San Pietro di Feletto, San Vendemiano, Santa Lucia di Piave, Susegana, Tarzo, Vazzola e Vittorio Veneto.

PENDOLÂRS:

Residents a Arcade, Cjanive, Cimadolmo, Cordignano, Fontanelle, Fregona, Gaiarine, Giavera del Montello, Nervesa della Battaglia, Ormelle, Pieve di Soligo, Povegliano, Refrontolo, Revine Lago, San Polo di Piave, Sarmede, Sernaglia della Battaglia, Spresiano.

Residents in ducj i comuns calcolâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancul di 10 mês.

Zonte 2 – Liste dai País daûr a svilupâsi, su la fonde dal Decret Ministeriâl dai 8 di Avrîl dal 2022 n. 344

Afghanistan
Angola
Bangladesh
Benin
Bhutan
Burkina Faso
Burundi
Camboze
République Centrafricaine
Çad
Comoris
République Democratiche Popolâr di Coree
République Democratiche dal Congo
Zibuti
Eritree
Etiopie
Gambia
Guinee
Guine-Bissau
Haiti
Kiribati
République Democratiche Popolâr dal Laos
Lesotho
Liberie
Madagascar
Malawi
Mali

Mauritanie
Mozambic
Myanmar
Nepal
Niger
Ruanda
São Tomé e Príncipe
Senegal
Sierra Leone
Isulis Salomon
Somalie
Sudan dal Sud
Sudan
République Arabe Siriane
Tanzanie
Timor Est
Togo
Tuvalu
Uganda
Yemen
Zambia

Contats – Sede di Triest

Sportel Informazions

Salita Monte Valerio 3, 34127 Triest

info.trieste@ardis.fvg.it

Tel: 040 3595205

Fax: 040 3595352

Oraris dal sportel telefonic:

dal lunis al vinars des 09.30 aes 12.00

Altris contats utii

Servizi		Telefon
Borsis di studi		
Contribûts pal lozament		
Contribûts pe mobilitât internazionâl	info.trieste@ardis.fvg.it	040 3595205
Rimbors de tasse regionâl		
Lozaments tal compresori universitari di Triest e Gurize	alloggi.trieste@ardis.fvg.it	040 3595302/213
Servizi di ristorazion e di erogazion des tessaris de mense	ristorazione.trieste@ardis.fvg.it	040 3595357/207
Assistence tecniche informatiche	assistenza.informatica@ardis.fvg.it	

Contats – Sede di Udin

Spotel Informazions

Viâl Ongjarie 39/b, 33100 Udin

info.udine@ardis.fvg.it

Tel: 0432 245772

Fax: 0432 245777

Oraris dal sportel telefonic:

dal lunis al vinars des 09.30 aes 12.00

Altris contats utii

Servizi		Telefon
Borsis di studi		
Contribûts pal lozament		
Contribûts pe mobilitât internazionâl	info.udine@ardis.fvg.it	0432 245772
Rimbors de tasse regionâl		
Lozaments a Udin	alloggi.udine@ardis.fvg.it	0432 245714
Lozaments a Pordenon, Gurize e Glemone	alloggi.udine@ardis.fvg.it	0432 245715 0432 245716
Servizi di ristorazion e di erogazion des tessaris de mense	info.udine@ardis.fvg.it	0432 245717
Assistence tecniche informatiche	assistenza.informatica@ardis.fvg.it	